

Aktuellis aus Voreinslabn:

Unner Vorstand hat getogt! Zenächst wurn e paar Voränneringe in dor Planerei festgeleecht.

Aber dann gings aa emol dodrim, wer wos macht, wenn dor Schmidti, dor Schürer un wer aa immer noch, kürzer tratn will - oder aa muss... Tja, un do war gelei guter Rot teier. War will dä do irgnd wie eisprunge un de Vorantworting iebernamme: Vürsitzndor, Kassnwart, de ganze Schreiberei samt Post un i-mehl, Blattl-Schreiberling, Blattl druckn un zamrichtn, Blattle austrogn, Innernetseit bearbitn, de ganzn Datn zamhaltn, un vor alln:

was machen mor dä bein nächstn Hutznobnd – när Latschn?

War do Antwortn wass un siech hoffntlich salberscht mit eibrenge will, dar söllt siech imgehnd bein Vürstand maldn!!! Des wär fei wichtich!!!


De Dorhaltung unnerer arzgebirgschn Mundart war aa e Thema : Unnere Denise Ullmann befaßt siech seitn Herbst vorign Gahrs mit dare Sach un hat e paar weniche Kinner schu mol do drauf eigestellt. Is kenntn aber weit meh sei, die do mietziehe sölltn. Schickt eire Kinner un Enkele aa-fach zu de Treffen, jeweils maantichs, im 15.00 Uhr, ins Kulturzentrum. Do kenne se Gedichtle, Liedle un aa klaane Sketche dorlerne un zur Auffiering bringe. Des macht viel Spaß un dient zen Dorhalt unnerer Muttersproch. Vor numeh 30 Gahrn hattn mir des schu mol mit unnerer Kinnergrupp in voller Blüt unner dor Leiting vu dor Wasmund, Annelies. Des kennt un söllt emende wieder esu warn! När Mut! Glück Auf allezam!



FAHRDIENST

Wer am 13.04.2023 abgeholt und auch wieder nach Hause gefahren werden will, der möchte bitte bis 17:00 Uhr anrufen:

Thomas Maixner, Tel.: 3391



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blattl



Nummer
217

Wittteilungsblatt des
Erzgebirgischen Heimatvereines
Eibenstock e.V.

April
2023



S'is Friehling wurn !

's is Friehling wurn



Horcht nār, wie de Vöchle singe!
Allis sieht wie neigeborn.
An de Baam de Knospn springe.
Mensch, wach auf, 's is Friehgahr
wurn!

Guckt nār naus in unnern Gartn,
wie e Wunner sieht siech 's aa,
brauchst net lang numeh ze wartn,
kast bal tausnd Blümle sah.

Horcht nār, wie de Bachle rauschn,
durch de Wiesn hell un klar.
Ach, do ka mer racht belauschn
de Natur is wunnerbar.
Läfst de hie durch griene Waller,
härst des Grubl'n weit un braat.
Ganz weit ubn, do singt de Lerich!
Mensch, wach auf, vorgass alts Zeich!

Horcht nār, wie de Maad schie singe,
zen Obnd nooch'n Feierobndgelaät!
Wieder härt mor do dorklinge
Lieder aus dor Guchndzeit.
Un in Gartn ofn Bankl
werd for Lieb kaa Wort vorlorn.
Nār im Baam ubn singt e Vöchli:
Herz, wach auf, s 'is Friehgahr wurn

noch norm Liedl ausern Büchl von 1950,
Text un Weise vun C.Pinz un B. Uhlig
(un eweng drimnim gemahrt un annersch
aufgeschriebn vun Schmidt)



Wir gratulieren unseren Heimatfreunden

Matthias Schürer	am 01.04.	zum 66. Geburtstag
Monika Gläser-Oelsner	am 06.04.	zum 67. Geburtstag
Denise Ullmann	am 11.04.	zum 41. Geburtstag
Lothar Jung	am 14.04.	zum 69. Geburtstag
Antje Haustein	am 22.04.	zum 60. Geburtstag
Elke Schürer	am 26.04.	zum 63. Geburtstag
Bernd Baumgärtel	am 28.04.	zum 78. Geburtstag



Wir begrüßen als neue Vereinsmitglieder: Ilona und Rainer Siegl

**Beginne den Tag immer mit positiven Gedanken.
Denn egal, wieviel Probleme du auch hast,
negative Gedanken werden dir
bestimmt nicht helfen.**

- unbekannt -

E klaane Ännering:

an Donnerstich,
ne 13. April, 18.00 Uhr,
im Vereinshaus is

Spieleobnd!

Brengt e paar Spielerein mit!



**Karaoke – vun Saafnlob bis ze
gute alte Schlacher**

un vielleicht aa eweng Tanz?

**Donnerstich, ne 4. Mai, 18.00 Uhr,
im Hotel „Am Bühl“**

**Karaoke = De Musik wird eigespielt un dor Text
dorzu kimmt an de Leinwand, do muss mer nār
noch mietsinge, des macht Spaß!**





1911

lange Perrick aufgesetzt! Su konntn alle noch emol die schenn Lustichkaatn an siech vorbeizieh lessn. Esu war gelei noch emol ne richtig gute Stimming aufkumme un des Dorzähl un Lachn hat bal kaa End gefundn. Ze guter Letzt hab iech

dann noch ne ganz lange Bildle-Schau mit vieln altn Aasichtn vu Alt-Eimstock aafach esu laafn lessn un de Meestn warn dorwagn aa dodorbei ganz bei dor Sach un ham die vieln Aufnahme regrecht bewunnert un wetter geratslt, is stand ja net iebelrol dra, was un wus war.



Allis in alln: e gelungner schiener Hutznobnd mit ganz vieln Teilnahmern – is is ganz schie eng wurnde Sitzgelagnhaatn un is Besteck for de Asserei ham grad esu gereicht...

Un desserwagn müssn mir is nächste mol erscht in Spieleobnd dreinei legn, des gieht im Voreinshaus. Zen Singe braugn mor meh Platz un aa eweng meh vu dare Technik.

Bis dohie : bleibt gesund, eier Schmidt



De neie Wanderhütt an dr Rektors-Brück is eigeweiht wurn



In 24. Februar Viermittich im Elfe gings nei ne Wald nunter dr Rektors-Brück. Emende hobt ihrs ah in dr Freien Presse gelasn. Do is nämlich e neie Wanderhütt eigeweiht wurn.

Su richtig im Blockhausstiehl is die gebaut, mor kennt denkn mor is in Kanada wenn mor dorfier stieht. Schie sieht die

schu aus, aber ieber de Kostn ka mor nu getaalter Maaning sei. Unner Bürchermaaste Uwe Staab und dr Leiter vun Staatsforschbetrieb, Clemens Weiser, habn dorzu Dorklärungegabn. Su a Hütt kost dorwagn 50.000 Euro. Dorzu komme noch de Vorbereitung wie is Fundament. Dos is vom Bauhuf übernomme wurn. Acht von selchn Hüttn stenne schu, geplant sei Zahne. Do ka more siech ausrachne, wos die allezam kosten. Emende wärsch ah a Nummer klenner gange. Nu ja, de Haupsach is, dos die Hüttn net in Vandalismus zum Opfer



falln oder zugemüllt warn. Die ganze Voranstaltung hot dr Posaunechor von dr Kirchgemeine Eimstock imrahmt und zum Schluss gobs noch a Würschtl vom Grill un Tee oder Kaffee. Is Watter hot ah ausgehalt, in nächst Tog war nämlich allis wieder vorschneit.

Itze schlächts dreizn!



Jedsmol vornewag des Geratsl: Was kennt mor dä zen nächstn Haamit-obnd machen? Genau! Ratsl!?! Ratsl um Eimstocker Postkartn un Biddle aus alter Zeit! Des war is Thema vun letztm Hutznobnd in März! Dodorzu hatt iech 13 Aasichtn vu

Eimstocker Stroßn un Haiser ausgesucht un inner Präsn-tatsjon – su haaßt des nu mol – zamgestellt un mit den Biemer wieder an de Wand geschickt. Zevor ham mir aber erscht emol dorklärt, wie mir des Ratsl aagieh wolln: Zwee vu uns mußtn gut aufpassn, wer siech wie in dor Schul als erschter maldn tut, dar



kimmt aa gelei dra un kricht ne Wäschklammer. Warim nu ausgeracht ne Wäschklammer? Of die Wäschklammern zen zamzähl'n for de Gewinner is mei Fraa kumme, die hat siech grad emol neie eigekaaft. War de meestn Klammern hat, nu dar hat noocherts halt gewunne. Aber do muss



ar aa erscht de richtsche Antwort parat ham! Ja, bei mannichn Biddle ging de Roterei ganz schie huch har. Zen Beispiel bei dor Gaststätt Union, die ja ettliche Gahr als Kirch gedient hat, konnt siech Kaaner an den Bier-



gartn dornabn dorinnern – wie dä aa – des is ja schu e ganzis Labnsalter har. Genau esu wußt erscht emol Niemand ewos mit den annern Biergartn vun Cafe Zeun ganz am annern End vun Eimstock aazefange. Oder aa de Aasicht dor Dörfli-Villa vu dor Bargstroß

aus is manchn racht schwar gefalln. Ganz schwierig war de Aasicht vu den grußn Gebeidkompleks vu ne Bodo seiner grußn Fabrik an dor Schneeberger Stroß! Doch nooch e paar Falschmaldinge in



dor Reih kam schließlich allis ins richtsche Lot – oder besser gesaat – zu de werklichn Stroßname. Siste, is gieht doch, sugar de Gingste unner uns hat do wos rauskricht! Nooch dor Siecherehring ham mir dann als Rickblick is Fosndwidjo vun letztm Monat gezeichnet, do hatt iech sugar miech selber aageputzt: de Dschiens waggelessn, ne Strumphus naagewirscht, e Strickklaad drieber gezugun un noch ne gammerlich



...wetter giehts of dor Seit Sechse!